

**ADHOORE**

**RAASTE**

**ANONYMYK**

**Introduction cum Preface  
cum Acknowledgement cum  
Contents cum Bibliography**

**Thankyou dear reader for giving this  
your precious time. This is a collection of  
thirty two original poems related to  
contemporary socio-economic and  
political situation and romance in Hindi  
language in both Hindi and English  
scripts.**



# **1. MILENGI KABHI**

**Milengi kahan talash hai jinki,  
Milengi kabhi ya milengi nahi,  
Chalengi sang mere jahan ja raha  
hoon,  
Chalengi sang mere ya chalengi nahi,**

**Kya aisa un se kehdein ki unke kano  
pe bhi toh thoda zor pade.**

**Ek pal bhi ghar pe na ruk pate hain ye  
kadam lo phir unki or badhe.**

**Haseenon ki fidrat buri hai churi aa  
lagi hai jaan phoonkne ek zinda lash  
mein,**

**Maheenon ibadat mein jage aur waqt  
badha aage jab khoye the unki talash  
mein,**

**Milengi kahan talash hai jinki,  
Milengi kabhi ya milengi nahi,  
Chalengi sang mere jahan ja raha  
hoon,**

**Chalengi sang mere ya chalengi nahi,**

**Nigahon ke aage se nikli wo sharmati  
titli khwabon mein jiske kab se khoye  
hain,**

**Tanha dekhi jab unki chaya jab ambar  
sharmaya tab se na ek pal bhi soye  
hain,**

**Khayalon mein jinka woh chehra woh  
rang sunahra hum roz mehsoos karte  
the,**

**Afsaanon mein jinko janeman  
janejaan janejigar meri jaan kehte  
the,**

**Milengi kahan talash hai jinki,  
Milengi kabhi ya milengi nahi,  
Chalengi sang mere jahan ja raha  
hoon,**

**Chalengi sang mere ya chalengi nahi.**

## **2. JUMLE**

**Jhoot bola tha usne muskurate huye,  
Toot gaya dil apna dekh use jaate  
huye,**

**Saare waade dhare ke dhare rah gaye,  
Beet gaye paanch saal jumle gaate  
huye.**

**Aansuon se dare the dare reh gaye,  
Hum jahan par khade the khade reh  
gaye,**

**Woh the dikhte aate jaate tehalte  
huye,  
Pyaar mein pade aise ki pade reh gaye,**

**Unki aawaz thi jaise subah ki kiran,  
Jeet ke le gayi mera deewana man,  
Woh toh the aainon ki satah mein  
kahin,  
Humne angaron mein kaata apna  
jeevan,**

**Mere jeene ka kaaran hai teri hasi,  
Mere sadharan se dil mein tu aa ke  
basi,  
Kya bataoon tere inkaar ka anjaam  
kya hua,  
Margdarshak mandal jaisi hai meri  
bebasi,**

**Soya hua maasoom dil jab jaagne ko  
tha,**



**Raphael ki filein kar chori koi  
bhaagne ko tha,  
Deshbhakti ki aadh mein nafrat jab  
parosi thi,  
Chor khada sach ka saboot mangne ko  
tha.**

## **3.SOHNI AKHIYAAN**

**Dekhein na dekhein batein keh jaati  
hain,**

**Yaadon mein reh jaati hain,**

**Deke lamha apna saare pal le jaati  
hain,**

**Wo bas hulchul de jaati hain,**

**Na soye hain bas khoyein hain  
gahraiyon mein inki,**

**Hain yeh nazrein jinki,**

**Hain woh roshni din ki,**

**Khayalon mein piroye hain khuwaab  
hazaaron,**

**Sitaron ke jaisi hain,**

**Inko niharo,**

**Sohni akhiyaan,**

**Mere sapnon se khelelein,**

**Cheene mera sukh chain,**

**Sohni akhiyaan,**

**Neendein le gaye tere nain,**

**Sohni akhiyaan,**

**Teri aankhein meri dushman,**

**Sohni akhiyaan,**

**Teri akhiyaan to dhadakte dil le jaati  
hain,**

**Badi mushkil de jaati hain,**

**Aur badle mein hamein manzil de  
jaati hain,**

**Naya sahil de jaati hain,**

**Bechaini se bhigoye hain yeh  
armanon ke anjum,**

**Ban jao na mere,**

**Jiske bhi ho tum,**

**Janeman tune mohe hain bhole dil  
kitne sare,**

**Ban jaye khuda wo,  
Ho jo inke sahare,**

**Sohni akhiyaan,**

**Tere palkon ki chaya,  
Mere liye kaali rain**

**Sohni akhiyaan,**

**Mujhe sone na dein matwale nain,**

**Sohni akhiyaan,**

**Teri aankhein meri dushman,**

**Sohni akhiyaan,**

**Teri heeriye,  
Lai gayin dil,  
Lai gayin jaan,  
Teri batiyaan,  
O ri soniye,  
Kaat ti hain,  
Saadi ratiyaan,  
Apni gallaan,  
Tu jo hasdi,  
Teri aankhein,  
Dil wich vardi,  
Sohni akhiyaan.**

**Teri bhini si khushboo bekarar karti  
hai,**

**Tu kyun shringaar karti hai,  
Teri hasi sab hadein paar karti hai,**

**Tu kyun duniya se darti hai,**

**Aaja meri bahon mein kyun itni door  
khadi hai,**

**Aaj thand badi hai,**

**Aur thodi chadhi hai,**

**Teri chaal de peeche hoya munda  
sadda mad,**

**And baby you don't care,**

**You're so damn bad,**

**Sohni akhiyaan,**

**Everybody wants her,**

**Nobody will get none,**

**Sohni akhiyaan,**

**She is waiting for someone,**

**Sohni akhiyaan,**

**Move your body,**

**Shake it lady,**

**Make me crazy,**

**Lets do it today,**

**Sohni akhiyaan,**

**Gal sun manmoni,**

**Tu sadi hai honi,**

**Na das mainu gallan,**

**Ho ja meri Sohni,**

**Sohni akhiyaan.**



## **4. ACHARAJ SE VYAKUL**

**Birha ke aansooan se,  
Dooriyan ki tapan se,  
Jalta hai ye saawan,  
Tadapta man ye mera,  
Banke paagal,  
Phirta hoke bismil,**

**Aaja re mere sapnan ki jadugari,  
Peer se hamri ankhian bhari,**

**Aaja yaad kar tera soona seher,  
Do pal ko to aake thahar,**

**Magar na jane ki baat kar,  
Na ja phir chod ke,**

**Saza se na kam hai ye tera junoon,  
Na hone ki baat karta hai kyun,  
Do pal ka to dede sukoon,  
Milega kya dil tod ke,**

**Mora man achraj se vyakul hai,  
Bagiyan phir khilo wohi gul hai,  
Jo murjhaya tha,**

**Mora man achraj se vyakul hai,  
Bagiyan phir khilo wohi gul hai,  
Jo murjhao tho patjhad mein,  
Giro toot dhara ke bistar pe,  
Wo bezubaan,**

**Laut aao na meri khoyi pari,  
Reh na jaye jawani dhari,  
Peer se hamri akhiyaan bhari,  
Aansoon nichod ke,**

**Aaja re mere sapnan ki jadugari,  
Peer se hamri akhiyaan bhari,  
Na ja phir chod ke.**

## **5. HUMSAFAR**

**Jaane jaan,  
Fikar na kar,  
Ho ga wo,  
Hona hai jo,**

**Mushqilon ke,  
Darmiyaan hai apna aashiyaan,  
Do pal ke ghamon,  
Ke paar hai khushiyon ka jahan,**

**Hmm,  
To bata mujhe,  
Kya chalega tu saath mere,  
Mere humsafar,**

**Samjha mujhe,  
Meri jaan,  
Humko jaana kahan,  
Kidhar hai wo raasta,  
Hai jaana jidhar,  
Mere humsafar,**

**Chal sang mere ae humsafar,  
Mat jaana mujhe chod kar,  
Akela karoonga mein kya idhar,  
O o o mere humsafar,**

**Humsafar chal saath mere meri jaan,  
Chal likhenge apni dastaan,  
Jaisa chahein hum,**

**Gaur se sun baat meri sathi re,  
Kahaniyaan bulati hain,  
Aur waqt hai kam,**

**Chal sang mere ae humsafar,  
Mat jaana mujhe chod kar,  
Bin tere soona hai har shahar,  
O o o mere humsafar.**

## **6. GAYAB GHAM**

**Is mushkil dagar mein humko,  
Manchahe safar mein humko,  
Us dilkash nazar mein humko,  
Ho jane do gayab gham ko,**

**Uske hone ki nishani,  
Uski aur meri ye kahani,  
Jo thi bin bole sunani,  
Ghum ho jane do sargam ko,**

**Roye the tum bhi,  
Na soye the hum bhi,  
Phir bhi the itne faasle,**

**Bhigoyi thi palkein,  
Aayi thi manzil chalke,  
Phir bhi na tum humko mile,**

**Baarish ki geeli ratein,  
Teri pyari wo batein,  
Dono the ishq se haare,  
Dekhe sapne itne saare,**

**Kaisi hogi apni kahani,  
Ajab si zindagani,  
Honge apne waare nyare,  
Na phirenge mare mare,**

**Jeet ta rahunga mein gar hui sang  
mere tu,  
Ae jane jaana,**



**Beet ta rahunga mein is pal sa malang  
kyun,**

**Mein tera diwana,**

**Ishqon ki bheed mile jo,**

**Siski muskaan khile jo,**

**Chootein hain kaafile jo,**

**Thame rahna meri jaan dum ko.**

## **7. BAWRI**

**Dhalti shaamon mein bhatkoon akeli,  
Parchayi teri preet ki sang maine leli,**

**Main to huyi bawri,  
Tere liye ae sanware,  
Lele mujhe tu sang tere,  
Main hoon teri sanwari,**

**Tere hone se subahosham,  
Tera hona hai mera anjaam,  
Tere bina yahan mera kya kaam,  
Main hoon teri bawri,**

**Main to huyi bawri,**

**Tere liye ae sanware,  
Lele mujhe tu sang tere,  
Main hoon teri sanwari,**

**Bujhte saweron ki aah mein shaamil,  
Waqt se maangoon bas tu jaaye mil,**

**Mein toh teri bawri,  
Teri meri ye mausiki,  
Bin tere kuch nahin,  
Mein hoon teri shayari,**

**Main to huyi bawri,  
Tere liye ae sanware,  
Lele mujhe tu sang tere,  
Main hoon teri sanwari.**

**Dard-e-ishq ke jashn mein doobi,  
Naachti akeli mein aa ja tu bhi,**

**Main to huyi bawri,  
Tujhe yakin na aayere,  
Na ho bayan ye hayere,  
Tere bina na paon ji,**

**Main to huyi bawri,  
Tere liye ae sanware,  
Lele mujhe tu sang tere,  
Main hoon teri sanwari.**

# **8. NAZDIKIYAN**

**De jab sunai teri,  
Saanson ki khamosh si who aawaz,  
Goonjein kanon mein,  
Teri dhakanon ke meethe who alfaaz,**

**Teri mehek ka,  
Asar aisa hua,  
Ki tu ban gaya,  
Meri aakhiri dua,**

**Dil ko mere chu kar tune,  
Ye kya kiya,**

**Nazdikiyaan,**

**Ratein jagayein hamein,**

**Madhoshiyan,**

**Rab se milayein hamein,**

**Hothon se sparsh yun kar tune,**

**Ye kya kiya,**

**Nazdikiyaan**

## **9. DAREIN KYUN**

**Darein kyun,  
Darein kyun,  
Darein kyun,  
Darein kyun,  
Aaye kyun,  
Gaye kyun,  
Likhein kyun,  
Padhein kyun,  
Jiyein kyun,  
Marein kyun,  
Sooli pe,  
Chadhein kyun,  
Duniya ke,  
Jhoot pe,**

**Bhari ham,  
Padein kyun,  
Jaa nahi,  
Pate kahin,  
Isliye sang,  
Tere hain,  
Mere gham,  
Mere hain,  
Inko yaad,  
Tu kare,  
Kyun,  
Darein kyun.**



## **10. JANAB**

**Hum ne tumko sunai,  
Wo jo dastaan,  
Chod tanha unhe gayi,  
Wo jaane kahan,  
Jab akele udasi mein,  
Doobe the janab,  
Wo madmast hasi,  
Le gayi unki jaan,**

**Dekhegi wo jab unko,  
Dekhe botal sharab,  
Lat-e-ishq degi kar,  
Janab halat kharab,**

**Ishq aisa zakham hai,  
Kabhi bharta nahi,  
Agar hota sang mere,  
Agar bichadta nahi,  
To apni aashiqi hoti,  
Mohabbat ki misaal,  
Jeet lete janaab duniya,  
Jo tu mukharta nahi,**

**Dekhegi wo jab unko,  
Dekhe botal sharab,  
Lat-e-ishq degi kar,  
Janab halat kharab.**

# 11. GURBAT MEIN FALSAFA

साथी अगर इजाज़त तुम्हारी हो तो कहें.

गुरबत में फ़लसफ़ा ना बताया करो साथी.

बेखौफ़ हो किस्मत आज़माया करो साथी.

क्या होगा अगर चार दफ़ा हार मिली तो.

दिल को अपने थोड़ा रुलाया करो साथी.

मोहतरमा आशिक को आज़मा के तो देखो.

हो सके अगर कदम दो साथ आ के तो देखो.

ज़्यादा से ज़्यादा रहेगा सब वैसा जैसा है.

बदलने की चाह में फना हो जा के तो देखो.

हमसे तो हुई खता हमने प्यार कर लिया.  
उनको भी किसी तरह से तैयार कर लिया.  
वो जीत गए हमसे वो आज़ादी का भ्रम.  
जीत का बदला हमने दिल हार कर लिया.

मोहतरमा किस्मत को आज़मा के तो देखो.  
हो सके तो दो कदम साथ आ के तो देखो.  
ज़्यादा से ज़्यादा सब वैसा रहेगा जैसा है.  
बदलने की चाह में फना हो जा के तो देखो.

साथी अगर इजाज़त तुम्हारी हो तो कहें.

# **12. SONAM GUPTA BEWAF HAI**

**Tu bata tujhe kya hua hai,  
Kyun yoon muh utra hua hai,  
Kyun dil ki batein hai sunta,  
Man mana karta har dafa hai,**

**Pyar mein kyun sab harta hai,  
Kyun khud ko yoon marta hai,  
Hamesha kyun hai dard chunta,  
Sukoon ka bhi apna maza hai,**

**Sun le mera kissa mota mota,  
Vishwas ka usne gala ghoti,  
Poochti rooh meri mujhse,  
Kahan saale tu phans gaya hai,**

**Kyun dushman apna ban gaya hai,  
Ghamon mein kyun tu san gaya hai,  
Bewajah tadpao khudko,  
Ye bhi koi falsafa hai,**

**Kyunki Sonam Gupta bewafa hai,  
Sonam Gupta bewafa hai,  
Sonam Gupta bewafa hai,  
Sonam Gupta bewafa hai.**

# **13. NIKAL RAHE HAIN RAASTE**

**Zindagi ko jaane tumse kya gila hai,  
Haarne ka tumko kyun tohfa mila  
hai,**

**Jeetna hai tumko,  
To tareeqa seekho,  
Khelna agar hai,  
To saleeqa seekho,  
Carodon tere jaise,**

**Phir rahe hain mare,  
Jugnuon ke peeche,  
Pade hain bechare,**

**Matlabon ki daud mein,  
Ye jeet ki bisaat hai,  
Jo baat hai kisi aur mein,  
Badi us se koi baat hai,  
To thoda aur thehro,  
Nikal rahe hai raaste,  
Waqt tham sa gaya hai,  
Bas tere vaaste,**

**Jaate hain paar,  
Nahi doobne se bhaagte,  
Jeet ke jashn mein,  
Roz roz nahi jaagte,**



**Phir se pehla din,  
Laksh bahut door hai,  
Koshish karna zaroor,**

**Aalas ki chadar ko,  
Utaar niklo,  
Bekaar aadaton ke,  
Paar niklo,**

**Bulandi tumko,  
Pukarti hai,  
Rijhati hai,  
Lalkaarti hai,**

**Tumhe nikalne hai jo,  
Uski khoj mein,**

**Uda na dena mansubon,  
Ko mauj mein,**

**Betuka nahi agar tum,  
Bheed ka ek shor ho,  
Bhed chaal se juda,  
Alag inse koi aur ho,  
To thoda aur thehro,  
Nikal rahe hain raaste,  
Waqt tham sa gaya hai,  
Bas tere vaaste.**

**Swarth vaasna,  
Dushmani bhook,  
Krodh garv,  
Aham,  
Zid na ki,**

**Toh bhool,  
Jaana jeetne ka,  
Waham,  
Kisi aur pe nahi,  
Kar apne aap pe raham,  
Kisi se bhi kam nahi ho tum.**

## **14. TU MILTA HAI**

**Sadkon pe,  
Akal milti hai,  
Mushqil se,  
Chahal milti hai,  
Gurbat pe,  
Hasne walon ko,  
Paheliyaan,  
Saral milti hain,**

**Teri raahon mein jab,  
Aandhiyaan mile,  
Tere khwaabon mein tab,  
Vaadiyaan khile,**

**Tu milta hai  
Sukoon milta hai  
Sang tere hi  
Kyun milta hai  
Milne ko  
Tarasta rahta  
Jab kuch pal  
Nahi tu milta hai**

**Teri sirat mein ab,  
Gustakhiyaan mile,  
Teri surat pe sab,  
Kurban kaafile,**

**Chal le chal hamein  
Tu apne sang mein**

**Teri raahon mein jab,  
Aandhiyaan mile,  
Tere khwaabon mein tab,  
Vaadiyaan khile,**

**Mere khaali dinon ki,  
Tu hai aarzo,  
Chahe kuch bhi karoon,  
Yaad aaye tu,**

**Tu milta hai  
Sukoon milta hai  
Sang tere hi  
Kyun milta hai  
Milne ko  
Tarasta rahta  
Jab kuch pal**

**Nahi tu milta hai**

**Tu jagta hai,**

**Khuda lagta hai,**

**Itna sahi,**

**Jane kya lagta hai,**

**Tujhme ki mein,**

**Khoya rahta hoon,**

**Tere chehre mein,**

**Jab tak tu jagta hai,**

**Teri raahon mein phas,**

**Kaam se gaye,**

**Teri baahon mein bas,**

**Aaram se rahe,**

**Teri saason se chalti,**

**Meri dhadkanien,  
Teri baton se machalti,  
Meri hasratein,**

**Bas meri jaan do pal thahar ja na,  
Abhi na ja na,  
Na ja abhi karke humein deewana,  
Zara kareeb aana,**

**Teri khushboo aflak,  
Ki futooh hai,  
Kuch nahi waisa,  
Jaisa tu hai,  
Upar wale se,  
Gila hai mujhko,  
Ki dikhta wo,  
Tere jaisa kyun hai,**



**Tu milta hai  
Sukoon milta hai  
Sang tere hi  
Kyun milta hai  
Milne ko  
Tarasta rahta**

## 15. SAUDA

कुछ कौड़ियों का है सौदा.

रिश्ता ये तेरा मेरा.

किस बात का जवाब मांगता है.

बेकार है सवाल यार तेरा.

बयां कर रही हैं ये आंखें.

कि जीवन में कितना सूनापन है.

क्यूँ तमाशा कर रहा है.

नावाकिफ़ तुझसे ये अंजुमन है.

थोड़ा चाहे मेरा फायदा उठा ले.

लुटने में महारथी हैं हम तो.  
सनम बस दो पल गले लगा ले.  
थोड़ी साँस आये मेरे दम को.

तू नहीं था तो था मैं अकेला.  
तूने उजलाया यौवन अँधेरा.  
मेरे स्वार्थ ने उम्मीद ज़्यादा करली.  
तूने ताश का किला बिखेरा.

कुछ कौड़ियों का है सौदा.  
रिश्ता ये तेरा मेरा.  
किस बात का जवाब मांगता है.  
बेकार है सवाल यार तेरा.

## **16. AAP HI HAIN RANI**

**Jaanta hoon aapki mein ansuni  
kahani,**

**Usme koi hoga raja par aap hi hain  
rani,**

**Sayani diwani diwane ki hoke,  
Piroke jhurmuton ko aansuon mein  
bhigoke,**

**Bas dhoke khaye jo ki,  
Kyun khaye pata nahi,  
Rote hain roz par sakte bata nahi,  
Nahi sunani phir se jo kabhi nahi thi  
batani,**

**Jaanta hoon aapki mein ansuni  
kahani,  
Usme koi hoga raja par aap hain rani,**

**Umangon ke din the,  
Bebasi ki ratein,  
Tum sang bhi tum bin the,  
Namumkin mulakatein,**

**Bas pal bhar lambi,  
Batayein kaise hum bhi,  
Jeet mili us se kam bhi,  
Thi jitni mili maatein,**

**Chaltein hain chaliye leke apni  
nishani,**

**Kaun si thi waise bhi lakeerein  
milani,**

**Janta hoon aapki mein ansuni kahani,  
Usme koi hoga raja par aap hain rani.**

# **17. KAMAAL**

**Teri sahmi sahmi saansein,  
Meri jaan hain kamaal,  
Tere uljhe suljhe baal,  
Hain kamaal hain kamaal,**

**Chalti hai laparwahi se,  
Khoyi kisi kahani mein,  
Haule se sanwarti hai,  
Dekh parchai paani mein,**

**Kahani koi,  
Sunaoon tumhe,  
Jeet jisme,  
Ho pyar ki,**

**Aao dono hi,  
Bhoolein samay,  
Ghul milein,  
In hawaon mein,**

**Teri kajrarai si aankhein,  
Teri bachkani si baatein,  
Teri adaon ka ye jaal,  
Hai kamal hai kamal,**

**Tere geele geele hoth,  
Meri jaan hain kamaal,  
Tera figure teri chaal,  
Hain kamaal hain kamaal,**

**Teri sahmi sahmi saansein,  
Meri jaan hain kamaal,**



**Tere uljhe suljhe baal,  
Hain kamaal hain kamaal,**

**Khwabon ke,  
Sagar mein,  
Ek doosre,  
Ke sang,  
Ghul mil,  
Jaayein,  
Ek doosre ki,  
Baahon mein.**

## **18. ITNE KAAM KYUN**

**Jo bhi kar rahe hain,  
Sab bewajah hi hai,  
Sabse zaroori to,  
Aapki raza hi hai,  
Haule se marne mein,  
Bhi koi maza hi hai,**

**Tab bhi sab roz marte hain,  
Girte hain bikharte hain,  
Phir uth seedhi chadhte,  
Sab darte hain,  
Par kar guzarte hain,**

**Aasaan nahi hai,  
Uthna aur chalna,  
Aur roz roz jalna,  
Par sab karte hain,  
Itna kaam karte hain,**

**Kyun bhai,**

**Itna kya karna hai,  
Tumko bhi humko bhi,  
Sabko hi marna hai,  
Din ko zindagi ko kaam,  
Kyun banana hai,  
Gumnaam hi reh lo,  
Naam kyun banana hai,  
Exam kyun dilana hai,  
Daant kyun khilana hai,**

**Thoda kam hi kabil ban lo,  
Sab ko mar hi jaana hai,**

**Thoda dheere chalke,  
Bhool tante kal ke,  
Dhoop aur baadal,  
Halke halke dekh,  
Hain kitne shaant se,**

**Aur ek tu hai meri jaan,  
Jaane bhaagta kahan,  
Fislenge pal wahan ye ek,  
Do bhi haanth se.**

# 19. JAB CHALA JAAOONGA

**Jaiye chod ke mujhko,  
Par sukoon milega nahi,  
Jo sans loge to,  
Yaad aaoonga,**

**Ho sake to dhoond lena,  
Chain karaar kahin,  
Sapnon mein bhi aake,  
Tumhe sataoonga,**

**Abhi to mangta rehta hoon,  
Maafi ki bheekh,  
Par ek din mein bhi,  
Bhool tumhe jaoonga,**

**Hamare dil ke saath bhi,  
Nahi kiya kuch theek,  
Tumhare patthar dil ko bhi,  
Mazaa chakhaaonga,**

**Jab chala jaaonga.  
Jab chala jaaonga.**

**Mat rootho na jane jaana,  
Bada mushkil hai tumhe manana,  
Aake pass phir kyun door jaana,  
Dil haare huye ko kya harana,**

**Chodo bhi aur mat sataona,  
Meri zindagi se yoon mat jaona,  
Kya khata huyi ye to bataona,**

**Yaadon mein aake mat rulaona,**

**Jab ek doosre ko hai apna maana,**

**To thoda sa gussa pi bhi jaona,**

**Kaise aankhon se hai tera chehra  
mitana,**

**Jaate jaate ye bhi to samjhaona,**

**Meri zindagi se yoon mat jaona,**

**Apni se mujhe mat bhagaona.**

**Apni se mujhe mat bhagaona.**





## **20. SOCHTA REHTA HOON**

**Tabiyat aaram maang rahi hai,  
Aur man sukoon,  
Soch raha hoon kaise,  
Karoon man pe mein kaboo,  
Kya kar raha hoon,  
Ye kya mein bataoon,  
Bas sochta rehta hoon,  
Bas sochta rehta hoon.**

**Man junoon hai yaad karta,  
Aur sharmata bhi hai,  
Har kuch pal ke baad darta,  
Aur darata bhi hai,  
Jane man se kaise parat,**

**Mein zung ki hataaon,  
Bas sochta rehta hoon,  
Bas sochta rehta hoon.**

**Bas sochta rehta hoon,  
Kuch karta nahi hoon,  
Sada ek sa rehta hoon,  
Kabhi nikharta nahi hoon,  
Raah dekhta rehta hoon,  
Uspe chalta nahi hoon,  
Aag taapta rehta hoon,  
Usme jalta nahi hoon,  
Jab jazba hai maayoos mera,  
To kaise mei muskuraon,  
Bas sochta rehta hoon,  
Bas sochta rehta hoon,**

**Sangharsh karoon kaise,  
Sangharsh karoon kaise,  
Sangharsh karoon kaise,  
Bas sochta rehta hoon.**

# **21. AASHIQI HAI THODI KAM**

**Pyar to abhi bhi hai hi par aashiqi hai  
thodi kam,**

**Ishq ke naam par bas ab hoti hain  
aankhein nam,**

**Jaane kyun dheere-dheere dooriyan  
paas aati hain,**

**Phir maan ne se pehle athkheliyaan  
yaad aati hain,**

**If its true love it must never fade  
away,**

**But damn it did so wasn't it true,**

**What purpose it serves anyway,**

**If forever I don't want to be with you,**

**Kuch bilaang faaslon ko laangna  
namumkin hai ab,**

**Pahaad se sawalon se bhi bhagna har  
ek din hai ab,**

**Ye aadhunik kaal ka prem hai  
mushqil pachaane mein,**

**Accha ho nikal jaaye zindagi dil  
bachane mein,**

**If love can either be forced or new,  
Just think if its worth the trouble for  
you,**

**What purpose it serves anyway,  
If forever I don't want to be with you.**

## **22. SAB HOGA**

**Sapna poora,  
Kab hoga,  
Gussa tujhse,  
Rab hoga,  
Chor sa chupta,  
Phirta hai,  
Swabhaav tera,  
Kaayarta hai,  
Din bhar jhoomta,  
Leherta hai,  
Sher tu bas apne,  
Ghar ka hai,  
Ek katra tu is,**

**Zeher ka hai,  
Ek aur tanha is,  
Sheher ka hai,  
Dab dab ke tu,  
Marta hai,  
Tera merna band,  
Jab hoga,  
Tab dekhna mahi,  
Sab hoga,  
Achha bura pal,  
Sab hoga,  
Ye aaj aur kal,  
Sab hoga,  
Raah pe chalne ke,  
Nashe mein,  
Kampan aur hulchul,  
Sab hoga,**

**Mayoosi aur sukh,  
Sab hoga,  
Tanhai aur jag,  
Sab hoga,  
Jhoot aur sach,  
Sab hoga,  
Shanka aur acharaj,  
Sab hoga,**

**Ek din dheere se muskayegi jab  
chandani kheton par,  
Aur is din jab dabe paaon chayengi  
hawayein reton par,  
Har din ki tarah us din bhi galat har  
ek baat ka matlab hoga,  
Waqt ki baat ho bhale gaflat par usko  
kahenge to sab hoga,**



**Zulm aur insaaf,  
Sab hoga,  
Saza aur maaf,  
Sab hoga,  
Falak aur dal dal,  
Sab hoga,  
Kaante aur mal mal,  
Sab hoga,  
Achha bura pal,  
Sab hoga,  
Ye aaj aur kal,  
Sab hoga,  
Raah pe chalne ke,  
Nashe mein,  
Kampan aur hulchul,  
Sab hoga.**

## **23. SO NAHI PAYA**

**Jo hona tha wo ho nahi paya,  
Neend nahi aayi to so nahi paya,  
Dard nahi hota to kabhi ro nahi paya,  
Palkon ko askhon se bhigo nahi paya,  
Par jo hona tha wo ho nahi paya,  
Phir neend nahi aayi to so nahi paya,**

**Neend nahi aayi to so nahi paya,**

**Aas ka nasha tha umra dhalne se  
pehle,  
Raah lagti aasan thi uspe chalne se  
pehle,**

**Sambhal na sake jab kadam tha  
badhaya,**

**Phir neend nahi aayi to so nahi paya,**

**Neend nahi aayi to so nahi paya,**

**Beintihaan ladkhadaye gire umra  
bhar,**

**Kitne pahad tode mila kuch na magar,**

**Uspe kya udaas hona jo nahi paya,**

**Neend nahi aayi to so nahi paya,**

**Neend nahi aayi to so nahi paya,**

**Huye purze purane man magar hai  
jawaan,**

**Saans lete tarane kahein dil ki  
zubaan,**

**Koshish hai sach baaki sab hai maya,  
Phir neend nahi aayi to so nahi paya,**

**Neend nahi aayi to so nahi paya,**

**Jo hona tha wo ho nahi paya,  
Neend nahi aayi to so nahi paya.**

## **24. JAHAN BHI NAHI BACHA**

**Kya karein lakshya ka nishaan bhi  
nahi bacha,**

**Jahannum to chodo jahan bhi nahi  
bacha,**

**Pyaar doosron ke dil mein dhoond ke  
thak gaye,**

**Ishq ka ek katra ab yahan bhi nahi  
bacha,**

**Maqsadon mein ulajhke suljhaate din  
ki kashmakash,**

**Safalta ki aas lagate maangte hain  
thoda yash,**

**Mayoosi ne hai kiya humko bhi udaas  
bas,**

**Maasoom sa waisa insaan bhi nahi  
bacha,**

**Hum bhi nahi bache humsa bhi nahi  
bacha,**

**Ishq ka ek katra ab yahan bhi nahi  
bacha,**

**Bas har roz haar har ek pal dard hain,  
Badan taar hai hawaein bhi sard hain,  
Uthke ladte rehne mein asamarth  
hain,**

**Hauslon ka koi bahana bhi nahi  
bacha,**

**Humein to chodo zamana bhi nahi  
bacha,**

**Jahannum to chodo jahan bhi nahi  
bacha,**

**Kis or badhein saare raaste band hain,  
Kis mooh se ladein jab itne fikarmand  
hain,**

**Kamzor huye hain itne huye mand  
hain,**

**Faasla maut aur humare darmayiaan  
nahi bacha,**

**Gul bhi nahi bacha gulistaan bhi nahi  
bacha,**

**Kya karein lakshya ka nishaan bhi  
nahi bacha.**

## **25. KHO GAYA BHAARAT**

**Thag gaya Bhaarat,  
Gumraah ho gaya Bhaarat,  
Khudko bikwa kar,  
Kahin kho gaya Bhaarat,**

**Apni laachari par,  
Kyun royega Bhaarat,  
Apno ko tadpaane mein,  
Jab lag gaya Bhaarat,**

**Thag gaya Bhaarat,  
Gumraah ho gaya Bhaarat,  
Khudko bikwa kar,**



**Kahin kho gaya Bhaarat,  
Darindon ke changul mein,  
Phas gaya Bhaarat,  
Deshdrohiyon ki baahon mein,  
Bas gaya Bhaarat,**

**Andhaa ho agyani,  
Sa lag raha Bhaarat,  
Apni khudgarzi par,  
Phir has gaya Bhaarat,**

**Daakuon ki to fidrat hai,  
Aashiyane loot ujaadna,  
Kaatil ko kya kosein uska,  
To kaam hi hai maarna,**

**Jiski neev hi nafrat hai,  
Us ghar mein hoga pyar na,  
Us hi zameen se nikla saamp,  
Dekho das gaya Bhaarat,**

**Darindon ke changul mein,  
Phas gaya Bhaarat,  
Deshdrohiyon ki baahon mein,  
Bas gaya Bhaarat,**

**Khudko aur apno ko bhool,  
Chuka hai Bhaarat,  
Bekaari se mayoos ho nanga,  
Bhooka hai Bhaarat,**

**Bhakti ke saagar mein,  
Visarjit hua hai Bhaarat,**

**Asatyon ki lahar ne,  
Jabse chua hai Bhaarat,**

**Vaicharik apnagta se,  
Hai aisa grasit Bhaarat,  
Ye ab Bhaarat nahi hai,  
Ye ab hai kathit Bhaarat,**

**Apno pe hote atyacharon se,  
Hai aankhein phere Bhaarat,  
Baant ke raaj karte hain tujhpe,  
Sab ae mere Bhaarat,**

**Shuturmurg ban gaya hai tu,  
Ae parajit Bhaarat,  
Maan le ho gayi galti aur,  
Phir ban prajwalit Bhaarat,**

**Mat rah vaicharik apnagta se,  
Aise grasit Bhaarat,  
Phir se Bhaarat ban ja,  
Mat ban bas kathit Bhaarat.**

## **26. HIND KE POOT**

**Nuh ke Pehlu Khan,  
Ki leli jaan,  
Bade vidwaan,  
Kahe jajmaan,  
Ki baat ye sahi nahi hai,  
Par Naqvi bhai mahaan,  
Kiye aelaan,  
Ki kuch bhi hua nahi hai,  
Kaun karta nyaya,  
Haye re haye,  
Police to bas mohra hai,  
Ae hind ke poot,  
Kahan hai tu,  
Dekh ye kya ho raha hai,**

**Dadri ke Akhlaq,  
Ko kar diya khaak,  
Ho jaise mazaak,  
Jisko man ho maaro,  
Jisne tha bahaya rakht,  
Us kambakht,  
Ko tirange se dhaka yaaro,  
Insaan ke oopar gaay,  
Haye re haye,  
Kyun koi nahi ro raha hai,  
Ae hind ke poot,  
Kahan hai tu,  
Dekh ye kya ho raha hai,**

**Pratapgarh ke Zafar,  
Ka hua khatam safar,**

**Jab kisiki buri nazar,  
Ko usne chunauti di thi,  
Municipality ke the,  
Wo khooni darinde,  
Jinhe photo kheechni thi,  
Aurat ki jo laaj bachaye,  
Haye re haye,  
Use bhi nahi choda hai,  
Ae hind ke poot,  
Kahan hai tu,  
Dekh ye kya ho raha hai,**

**Chatra jate Mazlum,  
Ko kha gaya hujoom,  
Imtiyaz par bhi yoon,  
Maut meherbaan huyi thi,  
Mantri Sinhaji par,**

**Nahi pada koi asar,  
Khooniyon ko paate hi avsar,  
Maala pehnayi thi,  
Ghodse sab doodh nahaye,  
Haye re haye,  
Ye maapdand dohra hai,  
Ae hind ke poot,  
Kahan hai tu,  
Dekh ye kya ho raha hai.**



## **27. MERI RAAY**

**Meine jise kaha dard,  
Aapne aashiqi kaha use,  
Meine jise kaha khushi,  
Aapne zindagi kaha use,**

**Aap behtar jaante hain,  
Ye aapki adayein hain,  
Mein to bas keh raha tha,  
Ye bas meri raay hai,**

**Aapki tishnagi se,  
Zinda saari fauj hai,  
Chandani si roshni pe,  
Tiki sabki mauj hai,**

**Aap khilkhila uthein,  
To muskuraye saaye hain,  
Mein to bas keh raha tha,  
Ye bas meri raay hai,**

**Boliye janab mujhe,  
Jawaab bhi to dijiye,  
Mujhse fakir ka,  
Na imtihan yoon lijiye,**

**Kijiye kubool mujhko,  
Ye kya na lagaye hain,  
Mein to bas keh raha tha,  
Ye bas meri raay hai,**

**Chaliye chodiye ye baatein,**

**Itna hi bas saath tha,  
Kitni aisi beeti raatein,  
Jab haath mein na haath tha,**

**Aise kitne hi nagme,  
Meine gungunaye hain,  
Mein to bas keh raha tha,  
Ye bas meri raay hai,**

**Kaun sa wo lamha tha,  
Kaunsi wo ghadi thi,  
Shayad mein tanha tha,  
Ya shayad bheed badi thi,**

**Chadhi thi jo khumari,  
Use wahin chod aaye hain,  
Mein to bas keh raha tha,**

**Ye bas meri raay hai,**

**Khadi thi taqdir wahan,  
Jahan ab armaan laaye hain,  
Milegi manzilein kahan,  
Na koi daayein baayein hai,**

**Ye wohi purani dhun hai,  
Isme kayi gaane gaye hain,  
Mein to bas keh raha tha,  
Ye bas meri raay hai,**

**Aapka guroor hai,  
Aur aapki hi neet,  
Mera kya kusoor hai,  
Bas ek aur geet hai,**

**Aap behtar jaante hain,  
Ki nyaya kya anyay hai,  
Mein to bas keh raha tha,  
Ye bas meri raay hai.**

## **28. SAB THEEK HO JAAYE**

**Jo na yaad aao,  
Samasya bas itni hai ki tum yaad aati  
ho,  
Jo khayalon pe na chao to sab theek  
ho jaaye,  
Kahaani ye hai ki jasbaaton se khel  
jaati ho,  
Jo unse na khel pao to sab theek ho  
jaaye,  
Mujhse auron se zamaane se jo tum  
chahti ho,  
Wo milne se shaayad sab theek ho  
jaaye,  
Tadap is baat ki hai ki baat nahi ho  
rahi hai,**

**Dar ye hai ki baat hote hi phir na sab  
theek ho jaaye,**

**Aatma meri tumhari badan hai tera  
mera,**

**Dhalti shaam hai tu hoon main  
andhera tera,**

**Mitaana hai zaroori nazar se chehra  
tera,**

**Jo teri aadat hat jaaye to sab theek ho  
jaaye,**

**Jis din na lamhe phir jiyoon bitaye  
sang tere,**

**Khuda kare aaj hi wo mukammal  
tareekh ho jaaye,**

**Tadap is baat ki hai ki baat nahi ho  
rahi hai,**

**Dar ye hai ki baat hote hi phir na sab  
theek ho jaaye.**

# **29. JUDA HONA HI PADTA HAI**

**Milne ko,  
Taraste hain,  
Har ek baar,  
Dil apne,  
Do pal ka,  
Sang tera,  
De kar poore,  
Sabhi sapne,  
Wo lamhon ka,  
Sukoon humko,  
Phir khona,**



**Hi padta hai,**

**Aake paas,**

**Har ek baar,**

**Juda hona,**

**Hi padta hai,**

**Gaye jabse,**

**Door humse,**

**Toh roz nazar,**

**Kyun aate ho,**

**Jabasbaaton,**

**Se hamare,**

**Khelke tum,**

**Kya paate ho,**

**Bahaake ashk,**

**Chadar pe,**

**Roz sona,**

**Hi padta hai,  
Aake paas,  
Har ek baar,  
Juda hona,  
Hi padta hai,**

**Rahenge saath,  
Yaadon mein,  
Hai itna to,  
Yakeen lekin,  
Yoon kho jaayein,  
Khayalon mein,  
Galat wo bhi,  
Nahi lekin,  
Jo barson ka,  
Hai afsaana,  
Kahan pal mein,**

**Bigadta hai,  
Aake paas,  
Har ek baar,  
Juda hona,  
Hi padta hai.**

## **30. VISHWAS NA RAHA**

**Na tumhe mujhpe,  
Na mujhe tumpe,  
Na sach sahi pe,  
Na suni kahi pe,**

**Dar hai rehta jahan,  
Hai wo bhi wahin pe,  
Gaya chala kahan,  
Tha abhi to yahin pe,**

**Koi bhi ab aas na rahi,  
Kisike dil ke koi paas na raha,  
Koi kisiki chaah na rahi,**

**Kisi ko kisi pe vishwas na raha,**

**Vishwas ke bina,  
Sab dushman ho jaate hain,  
Dost waise bhi kabhi,  
Kaam kahan aate hain,**

**Ek zubaan dabi halak mein hai,  
Daastan chupi falak mein hai,  
Na wo sun paate hain,  
Na hum sunaate hain,**

**Humraaz ki darkaar nahi,  
Sun ne wala koi hai hi nahi,  
Zamaane ki jaadugari mein,  
Ab wo jalwa-e-andaaz na raha,**

**Koi bhi ab aas na rahi,  
Kisike dil ke koi paas na raha,  
Koi kisiki chaah na rahi,  
Kisi ko kisi pe vishwas na raha.**

# **31. ADHAR MEIN ATKE HAIN**

**Phir se adhar mein atke hain,  
Thode bhoole thode bhatke hain,  
Jeet haar ke darmiyaan khoye,  
Atyacharon ke naam pe roye,**

**Mandaraate badnaseebon se,  
Aazmaate taqdeeron ko,  
Namunasib tarqeebon se,  
Dhidkaarte tamashbeenon ko,**

**Sab haar chuke hain apna,  
Phir bhi khade hum dat ke hain,**

**Phir se adhar mein atke hain,  
Thode bhoole hain thode bhatke hain,**

**Mere man ka sabse haseen sach ho  
tum,**

**Sab accha hai jab tak mere sang ho  
tum,**

**Meri parchayi mere antarman pe  
chadha,**

**Sabse gahra jaanejaan mere rang ho  
tum,**

**Aur hum baudam se akde hain,  
Kitne aur jhelne humein jhatke hain,**

**Phir se adhar mein atke hain,  
Thode bhoole hain thode bhatke hain,**

**Jeet haar ke darmiyaan khoye,**



**Atyacharon ke naam pe roye,**

**Kitni baar hona hai aisa,**

**Phir is baar hai hua jo ye,**

**Phir se adhar mein atke hain,**

**Thode bhoole hain thode bhatke hain,**

**Par raah nikal hi aayegi,**

**Kyunki raaste sabhi gurbat ke hain.**

# **32. DAUR CHALA JAATA HAI**

**Mera dhyan baar baar kahin aur chala  
jaata hai,**

**Sochta rehta hoon aur ye daur chala  
jaata hai,**

**Kisi bhi din kisi ke bhi sar se taaj  
chala jaata hai,**

**Lamhon ke chakkar mein aaj chala  
jaata hai,**

**Jo satark nahi hai wo sammohit ho  
jayega,**

**Aur doorgaami hua to aashankit ho  
jayega,**

**Aatanki nahi hua to ye man aatankit  
ho jayega,**

**Chori se loktantra bhi suniyojit ho  
jayega,**

**Aasha hai janmanas aandolit ho  
payega,**

**Satya aur saahas se prajwalit ho  
payega,**

**Anyaya ko dekh aakroshit ho payega,**

**Nidar ho kar nirbal samarpit ho  
payega,**

**Aapse ummeed kyun karein jab khud  
galat hain,**

**Gherne lage hain daayre kya musibat  
hai,**

**Andaaz-e-bayaan se rooth kar alfaaz  
jaata hai,**

**Bina lagan ke har ek vifal prayas jaata  
hai,**

**Kisi bhi din kisi ke bhi sar se taaj  
chala jaata hai,**

**Lamhon ke chakkar mein aaj chala  
jaata hai,**

**Mera dhyan baar baar kahin aur chala  
jaata hai,**

**Sochta rehta hoon aur ye daur chala  
jaata hai.**



**ANONYMYK**